



Nonkungu le Imbulu

- ✎ Alan Kenyon, Viv Kenyon
- 👤 Wiehan de Jager
- 🗨️ Khothatso Ranoosi, Marion Drew
- 💬 Sesotho
- 📊 Level 4





Khale le khale hone ho ena le monna oa mofutsana le mosali oa hae. Bane baena le morali a le mong, lebitso la hae eleng Nonkungu. O ne a le motle, a hlompa. Batsoali ba hae bane ba mo rata haholo.



Ka letsatsi le leng batsoali ba hae ba khetha ho mo romela ho rangoane oa hae Mtonyama. Rangoane Mtonyama ene ele monna oa morui. Mme oa Nonkungu o ile a etsetsa Nonkungu mose oa sepele, likonopo le lifaha. A boela a etsetsa Nonkungu sefaha se setle sa molaleng.



Hoseng ka tsatsi le hlahlamang, Nonkungu o ile a sia batsoali ba hae a ea ho rangoane oa hae. Nonkungu ha a le tseleng a ea a lebile nokeng, o ile a ts`ela noka eeo, a tsamaea holima majoe. Ho tseleng ha hae noka, o ile a teana le ngoanana ea tenneng likatana.



“O ea kae?” ho rialo ngoanana ea monyane. “Ke chakela rangoane Mtonyama,” ho rialo Nonkungu. “Oa tla ‘makatsa,” ho rialo ngoanana ea monyane, “le nna, Mtonyama ke rangoane oa ka ebile ke tseleng ea ho mo chakela.”



Eaba ngoanana ea monyane o re, “mose oa hao le lifaha tsa hao lintle. Ke kopa hoitekanyana.” Imbulu eile ea tena mose oa Nonkulongu ea roala le sefaha sa hae sa molaleng, eaba le Nonkungu o tlameha ke hotena mose o tabohileng oa Imbulu.

Nonkungu oile a tseba hore ngoanana enoa ke Imbulu ea nnete. Nonkungu o ne a ts`ohile.





Baile ba tsamaea ha mmoho eare habantse ba tsamaea eaba Nonkungu ore “ke kopa o khutlise mose oaka le sefaha saka” “Ere ke litene hofihlela sefateng sane.” Horialo Imbulu, oile a supa sefate se leralleng.



Nonkungu a re ho Imbulu “ke kopa o khutlise sefaha saka le mose oaka.” Imbulu a re, “ere ke litene hofihlela khohloaneng eka pele.” Nonkungu oile a lumela a tsohile.



Bafihla khohloaneng. Nonkungu a boela a botsa Imbulu hape are “ke kopa o khutlise mose oa ka le sefaha saka. “Ere kelitene ho fihleletse basaling bane ba lutseng motlotloaneng oane” horialo Imbulu. Batsamaea.



Ba ba fihla motlotloaneng moo, Imbulu ea suthumeletsa Nonkungu morao eaba e re hobasali badutseng motlotloaneng. “Bonang ngoanana enoa a tenne mose oa khale otabohileng. E sale a nts`etse morao ke lakatsa hore eke aka tsamaea. Nonkungu o ne a tletsoe ke mosoabi abile aitloile bohloko hao aileng a matha hoeaipata sakeng.



Imbulu eile ea ea harangoane Mtonyama eare “ ke mochana oa hao, Nonkungu. Batsoali baka baitse ketlo lula le oena.” Mtonyama oile a amohela Imbulu. Mtonyama le lapa leile la hlompha Imbulu haholo ba nahana Nonkungu. Nonkungu oile a tlameha horobala ka sakeng.O ne a roelana lijo le lintja.



Motseare eaba Nonkungu o ea nokeng eaba o ea bina naheng moo. "ke koatile, ke koatile Mme oaka le ntate oaka baile ba nromella hoea lula le rangoane Mtnoyama. Keile ka kopana le Imbulu ea ba enka mose oaka le sefaka saka Ke koatile, ke koatile!"



Ke tsatsi le leng ba utloa pina ena eaba , bajoetsa Mntonyama hore hona le ngoanana naheng ea binang pina e bohloko e monate. Mtonyama motseare oa mantsibua oile a ea naheng moo. Oile autloa motho ea ntseng a bina. Oile a ema kamora sehlahla eaba o ea mamela.




Mtonyama oile a ea ho sebini sena, o ne a tenne liphahlo tse satlehileng tsa Imbulu. Mtonyama oile a botsa “o mang? O mochana oa Nonkungu?”Eaba Nonkungu o mophetela se etsa hetseng. Mtonyama oile a khutlisetsa Nonkungu hahae.



Mtonyama eaba outloa hore mohatla oa Imbulu a rata lebese hoo okekeng oa feta pela lebese o sa lenoa. Mtonyama eaba o re ho monna enoa a cheke sekoti ebe o tsela lebese la mafi kahare hosona. Banana bohle motseng moo baile babitsetsoa ha Mtonyama hoesa eanka tlholisano ea hotlola sekoti



ngoanana emong le emong o ne a lokela hotlola sekoti seo. Ngoanana eaneng a tenne mose oa Nonkungu le sefaka sa hae one a siame. Ha aka batla hotlola sekoti seo. Oile a tseba hore mohatla oa hae o tla nyoreloa lebeso leo la mafi. Eeba Imbulu e ea ka motlotloaneng hoesa fasa mohatla 'meleng oa eona eaba e ea o teisa haholo ka mokhoa eka atlehang. Eaba e ea ho banana babang ho eanka karolo



Qetellong ene ele nako ea Imbulu hotlola sekoti. Eile ea leka hotlolela holimo hosekoti seo, eaba mohatla oa eona oa fasoloha, oa morutlela tlase-tlase ka lebeseng la mafi leo leleng kahare hosekoti.



Ha antse a sokola ka lebeseng leo la mafi monna emong a potlakela hotšela le hlabathe ka sekting ho pata Imbulu.eaba ke qetello ea mbulu.Nonkungu oile a lula ha monate ha'moho le ranoanae ea hae. Eaba ke qetello ea pale ea rona.



Storybooks South Africa

global-asp.github.io/storybooks-southafrica

Nonkungu le Imbulu

Written by: Alan Kenyon, Viv Kenyon

Illustrated by: Wiehan de Jager

Translated by: Khothatso Ranoosi, Marion Drew

This story originates from the African Storybook (africanstorybook.org) and is brought to you by [Storybooks South Africa](https://global-asp.github.io/storybooks-southafrica) in an effort to provide children's stories in South Africa's many languages.



This work is licensed under a Creative Commons
[Attribution 3.0 International License](https://creativecommons.org/licenses/by/3.0/).